

## Tumeitwa kuwa Mashahidi,

*Viwyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni. Mathayo 5:16.*

**K**wa namna ya pekee kanisa la Waadventista wa Sabato limewekwa ulimwenguni kama walinzi na wabeba nuru. Kwao limekabidhiwa onyo la mwisho la ulimwengu unaoangamia. Juu yao inang'aa nuru ya ajabu itokayo kwenye Neno la Mungu. Wamekabidhiwa kazi yenye umuhimu mkubwa sana kutangaza ujumbe wa malaika wa kwanza, wa pili na wa tatu. Hakuna kazi nyingine yeyote yenye umuhimu mkubwa kama hii. Hawapaswi kuruhusu jambo lingine lolote kushughulisha fikra zao.

Ukweli wa muhimu mno kuwahi kukabidhiwa kwa mwanadamu aliye na hali ya kufa umekabidhiwa kwetu ili tuutangaze ulimwenguni. Utangazaji wa ukweli huu unapaswa kuwa ndiyo kazi yetu. Ulimwengu unapaswa kuonywa na watu wa Mungu wanapaswa kuwa waaminifu kwa amana waliyokabidhiwa. Hawapaswi kujihusisha na kukisia, wana hawapaswi katika shughuri za kibiashara pamoja na wasioamini; kwa maana mambo haya yanaweza kuwakwamisha kutenda kazi waliyopewa na Mungu.

Kristo anawaambia watu Wake: “Ninyi ni nuru ya ulimwengu” (Mathayo 5:14). Si jambo dogo kwamba mashauri na mipango ya Mungu imefunuliwa kwa uwazi sana kwetu. Ni fadhila ya ajabu kuweza kuelewa mapenzi ya Mungu kama yalivyofunuliwa katika neno la kweli la unabii. Jambo hili linatupatia jukumu zito. Mungu anatarajia tuwapaties wengine maarifa haya aliyotupatia. Anakusudia kwamba mawakala watakatifu na mawakala wa duniani waungane katika kutangaza ujumbe huu na onyo.

Hivyo basi kulingana na fursa anazotoa, kila mmoja aliyepokea nuru ya kweli yuko anao wajibu ule ule kama aliokuwa nao nabii wa Israel ambaye neno lilimjia na kusema: “Mwanadamu, nimekuweka kuwa mlinzi wa nyumba ya Israel; basi ulisikie neno hili kinywani mwangu, ukawape maonyo yangu” (Ezekieli 33:7)...

Kwa miali dhahiri na bainishi, nuru imetuji, ikituonesha kuwa siku kuu ya Bwana iko karibu, yaani “milangoni.” Hebu tusome na kuelewa kabla hatujachelewa.

Tunapaswa kuwa mifereji iliyowekwa wakfu, ambayo kupitia kwayo maisha ya kimbingu yatatiririshwa na kuwafikia wengine. Roho Mtakatifu ataliuisha na kujaa ndani ya kanisa zima, akitakasa na kuimarisha mioyo yetu. Wale waliozikwa pamoja na Kristo katika ubatizo wanatakiwa kufufuka katika upya wa uzima... Jukumu takatifu limewekwa juu yetu. Tumepewa agizo: “Enendeni, mkawafanye mataifa yote kuwa wanafunzi” (Mathayo 28:19)... Umewekwa wakfu ili kuingia katika kazi ya kueneza injili ya wokovu. Ukamilifu wa kimbingu unatakiwa kuwa nguvu yenu (Testimonies for the Church 9:19-21).